



恪靖奏稿續編卷五十四目錄

恭謝 天恩摺

陳湜請 賞假六月片

遵 旨陳明擬辦事宜摺

官軍出關分起次第行走摺

穆圖善所部暫緩出關片

請 敕部會議出關官軍應增正餉片

殺軍就食甯夏片

餉需請彙爲一案開單報銷摺

張林請卹賴長請獎片

繪具新疆圖說片

劉松山懇恩追獎片

全福凱撤回旗片

恭謝天 天恩摺

奏爲恭謝

天恩仰祈

聖鑒事竊

臣

於十一月初五日准兵部火票遞到同治

十二年十月二十五日內閣奉

上諭昨因肅州克復降旨將在事出力之徐占彪等分別優獎因思陝甘逆回擾亂十有餘載勢極披猖自簡任左宗棠總督陝甘數年以來不辭艱苦次第剿除此次親臨前敵督飭將士克復堅城關內一律肅清朕心

實深嘉悅自應特沛殊恩用昭懋賞左宗棠著以陝甘
總督協辦大學士該大臣前經賞給騎都尉世職並著
改爲一等輕車都尉世職欽此跪聆之下感激涕零罔
知所措伏念臣荷戈萬里投筆十年受

文宗特達之知躋躋卿貳際

聖主中興之運游擢置圻榆隴移師繼草玉關之檄花
門獻馘幸清黑水之塵祗行

天討而申威方愧戎公之未敏乃

榮頒芝綽

寵進槐臺外僚厠內輔之班參知政事乙榜並甲科之
選佐理平章

慶溢而家易勛階之散騎

賞延于世晉峻秩於輕輜聞

命自天悚惶無地荷

恩施之極渥圖報稱而彌難欽惟

皇上單心緝學

明目求賢當

璿陛之親臨慶瀛寰之大定道遵

聖軌式嚴百爾紀綱

治仰

宸謨永奠千秋磐石臣惟有懷占鼎足吉審師中竭薄
效於駑駘敢耽燕息撫遺黎於瓊毳用答

鴻施甲洗天河願種族同依

日月寅承

帝錄會人文共起風雲所有微臣

感激榮幸下忱謹繕

摺恭謝

天恩伏乞

皇上聖鑒謹

奏同治十二年十一月初八日

陳湜請

賞假六月片

再臣軍總理營務處布政使銜前山西按察使陳湜稟稱本司家無次丁自咸豐五年效力戎行率師轉戰江右粵西湘楚皖吳各省幾及十年致先人墳墓久未加修且墓母墳時原因山向不利權爲浮厝祇以戎馬奔馳未克請假營地妥葬迨金陵克復適奉

旨補授山西按察使兼辦防務同治八年又奉

旨赴憲轅差委廿載從戎而先靈未妥每一念及五內
徬徨茲幸關隴廓清及此軍務稍鬆應請給假數月俾
得回籍修理先塋安葬母柩一俟事竣仍當赴營聽候
驅策等情前來臣查該司從征四載勞績卓著現值關
內肅清請假回籍修墓並安葬母柩自應代懇
恩施給假六箇月以慰孝思謹附片陳明伏乞

聖鑒謹

奏

同治十二年十一月初十日

遵

旨陳明擬辦事宜摺

奏爲遵

旨陳明仰祈

聖鑒事竊臣於十一月初九日准兵部火票遞到軍機大臣字寄十月二十九日奉

上諭前因肅州克復加恩以左宗棠協辦大學士並

賞給一等輕車都尉世職本日復明降諭旨將穆圖善等分別加恩獎敘以示論功行賞用彰勞勩現在關內肅清隴右大兵雲集自應乘此聲威分路西征景廉駐

紮古城兵力單薄亟應添派勁旅以圖進取金順所部
尙有二十營若與景廉合在一處則兵威較壯景廉本
有請飭金順前赴古城之奏卽著統率各營剋日馳赴
古城相機進剿以期規復烏魯木齊景廉於金順到後
將各隊如何分撥前進之處卽著和衷商辦不得稍涉
意見其額爾慶額馬隊卽著左宗棠飭令隨同金順西
進聽候調遣哈密雖獲勝仗現在是否解圍未據文麟
等續報張曜宋慶所部兵力較厚該提督等久歷戎行
辦事奮勇朕所素知著卽督率所部馳往哈密駐紮會

同文麟明春等相機防剿遇有軍情緩急均准會銜奏
事穆圖善所部馬步各隊久駐涇州徒置無用之地卽
著飭令該統領等分起前赴安敦玉一帶駐紮以爲諸
軍後繼該將軍現在奏請陞見著將各隊分派起程後
再行來見面投機宜以上各軍經朕酌量分派後該將
軍等接奉此旨卽行奮迅前進不得托詞耽延倘有玩
泄從事朕必當按律懲辦決不寬貸至各該軍馳赴關
外糧餉一切及轉運事宜責任綦重必須先事預籌並
督飭地方官悉心經理帶兵大員其勢難於兼顧左宗

棠身任兼圻責無旁貸著卽統籌各軍所需糧餉軍火等項每月應用若干寬爲預備陸續轉輸毋令稍有缺乏如果各該軍逗遛不進則罪在主將儻因糧餉不繼致誤戎機朕惟左宗棠是問關外情形究竟若何糧運道路若何鎮廵以東俱總督統轄之地著卽詳細查明繪圖呈覽河州狄道回情是否安貼該大臣督辦糧運自應主紮肅州蘭州省城祇有藩臬駐紮是否足恃西甯安插各回衆能否不滋事端並著左宗棠豫師據實具奏左宗棠所部各隊久在邊陲其中疲乏者諒亦不

少自應分別遣撤將得力之師分紮各要害以資彈壓
值此餉項支絀之時尤宜汰弱留強以節糜費欽此跪
誦之下欽仰我

皇上軫念西陲洞矚邊務際此關隴肅清爲邊塞一勞
永逸之計

申命諸將剋期出關疆臣總司糧餉分別責任迅赴戎
機在事文武諸臣懍遵

聖訓敢不殫誠竭慮以求仰慰

宸厪竊維由肅州出嘉峪而西本漢唐師行大道關內

外風土相同非有洪濤巨浸崇山峻嶺足妨戎馬也安
西玉門敦煌近雖遭白逆股匪擾掠一空然使關內之
糧足供裹帶車馱駝隻足供周轉無庸仰給安西出關
之兵何憚不進近時軍情無復以出關爲苦者以此然
徒言出關固尙非難至由安西抵哈密計程十一站干
里而遙經由戈壁無臺站無水草砂礫縱橫人馬每多
困躓中間僅安西城北四站馬蓮井尙可支帳小憩以
備汲飲而亦未可久留過此又七站始抵哈密回城地
暖而腹爲纏頭回族聚居之所軍興以來音耗濶絕近

被白逆股匪竄擾是否有餘糧足供採買更無從知臣
前在肅與諸軍集議官軍分起次第行走必先將甘涼
採買糧料運存肅州又由肅州出關運至玉門然後頭
起開拔至玉門又用其私駝轉搬玉門存糧以赴安西
騰出官馱官車轉還第二起軍糧而後第二起繼進餘
軍仿照辦理此抵安西州作一停頓又裏糧進哈密如
此層遞銜接人畜之力方稍舒展而士氣常新可免意
外之慮矣至由哈密前進所有糧運事宜斷非臣力所
及自古至今從未有運涼甘肅之糧濟哈密以西軍食

者語云千里饋糧士有飢色言其不宿飽也今涼甘肅之糧運哈密計程實近三千而所歷又皆兵燹之餘砂鹵之地其勞費顧待問哉

諭旨飭金順額爾慶額由哈密進古城與景廉會師金順等至安西州搬齊糧料必一面遣人赴哈密詢訪就近堪資採買者若干以定進止如就近有可設措自不須轉搬安西存糧以節勞費而張曜所部遵

旨進哈密即可籍資其糧以進時距麥熟之期亦當不遠舊糧漸盡新穀旋升後此續進之軍方可相時而動